



Broj: 10/E-11-3656/23
Sarajevo, 05-07-2023 godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-1695/23 od 23.02.2023.godine (u daljem tekstu: Komisija II), u postupku javne nabavke i isporuke cvijeća za potrebe Općine Centar Sarajevo, putem konkurentskog zahtjeva za dostavu ponuda, uz primjenu e-aukcije (Zapisnik o pregledu i ocjeni ponuda broj: 10/E-11-3656/23 od 03.07.2023.godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **TR „Galerija cvijeća Višnja“, ulica Vrazova broj 2, 71000 Sarajevo**, za nabavku i isporuku cvijeća za potrebe Općine Centar Sarajevo, putem konkurentskog zahtjeva za dostavu ponuda, u ukupnom iznosu od **687,32 KM bez PDV-a (zbir jediničnih cijena), odnosno 804,16 KM sa PDV-om (zbir jediničnih cijena)**, nakon provedene e-aukcije.
- II.** Ugovorni organ će sa izabranim ponuđačem zaključiti Okvirni sporazum na period od 30 (trideset) mjeseci, kojim će regulisati međusobna prava i obaveze u vezi predmetni nabavke, shodno zahtjevima ugovornog organa i zakonskim propisima.
- III.** Izabrani ponuđač je dokaze iz tačke 7.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol Ugovornog organa. (originale ili ovjerene kopije).
- IV.** Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke u roku od 7 dana, shodno članu 71. Zakona.
- V.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak za javnu nabavku i isporuku cvijeća za potrebe Općine Centar Sarajevo, pokrenut je Odlukom Opštinskog načelnika o pokretanju postupka broj: 10/E-11-3656/23 od 07.06.2023.godine putem konkurentskog zahtjeva za dostavu ponuda, broj Obavještenja na Portalu javnih nabavki: 848-7-1-92-3-111/23 od 15.06.2023.godine.

Procijenjena vrijednost javne nabavke iznosi 22.500,00 KM bez PDV-a, za cijeli period trajanja Okvirnog sporazuma.

U određenom roku za predaju ponuda, 26.06.2023. godine do 12,00 sati, dostavljene su 2 (dvije) ponude, i to od ponuđača: 1. TR „Galerija cvijeća Višnja“ i 2. „Otoka-Bambus“ d.o.o.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponuda, kako slijedi:

r/b	Ponuđač	Ukupno bez PDV-a (zbir jediničnih cijena)	Popust	Ukupno sa popustom i PDV-om (zbir jediničnih cijena)
1.	TR „Galerija cvijeća Višnja“	736,00	-	861,00
2.	„Otoka-Bambus“ d.o.o	688,00	-	804,96

Nakon izvršenog otvaranja ponuda Komisija II je pristupila detaljnoj analizi dokumentacije priložene uz ponude u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija II je detaljnim uvidom utvrdila da dostavljene ponude ispunjavaju formalno pravne, ekonomske i tehničke uslove odnosno zahtjeve Ugovornog organa i iste su prihvatljive.

Prilikom detaljne računске kontrole zaprimljenih ponuda, Komisija II je uputila dopis za izjašnjenja o računskim greškama ponuđaču TR „Galerija cvijeća Višnja“. U ostavljenom roku ponuđač TR „Galerija cvijeća Višnja“ je dostavio svoju saglasnost na ispravke, o čemu je pismenim putem obavješten ponuđač „Otoka-Bambus“ d.o.o, te je analiza prihvatljivih ponuda u skladu sa kriterijem za izbor ponude „najniža cijena“ u skladu sa članom 64. stav 1. tačka b) kako slijedi:

r/b	Ponuđač	Ukupno bez PDV-a (zbir jediničnih cijena)	Popust	Ukupno sa popustom i PDV-om (zbir jediničnih cijena)
1.	TR „Galerija cvijeća Višnja“	736,00	-	861,12
2.	„Otoka-Bambus“ d.o.o	688,00	-	804,96

Tenderskom dokumentacijom je predviđeno provođenje e-aukcije. E-aukcija u predmetnom postupku održana je dana 03.07.2023.godine sa početkom u 11:00 sati, a završena u 11:10 sati.

Rangiranje prihvatljivih ponuda prema kriteriju za izbor ponude „najniža cijena“ u skladu sa članom 64. stav 1. tačka b), a nakon održane e-aukcije:

RANG	PONUĐAČ	Ukupno bez PDV-a (zbir jediničnih cijena)
1.	TR „Galerija cvijeća Višnja“	687,32
2.	„Otoka-Bambus“ d.o.o	688,00

Komisija II je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE


Prvorangiranog ponuđača **TR „Galerija cvijeća Višnja“**, ulica Vrazova broj 2, **71000 Sarajevo**, za nabavku i isporuku cvijeća za potrebe Općine Centar Sarajevo, putem konkurentskog zahtjeva za dostavu ponuda, u ukupnom iznosu od **687,32 KM bez PDV-a (zbir jediničnih cijena)**, odnosno **804,16 KM sa PDV-om (zbir jediničnih cijena)** nakon provedene e-aukcije, sa kim će se potpisati Okvirni sporazum na period od **30 (trideset) mjeseci**.

Nadalje, Opštinski načelnik u postupku ocjene nije našao razloge, niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od tri.



OPŠTINSKI NAČELNIK

Srdan Mandić

Prilog: Zapisnik o pregledu i ocjeni ponuda
broj: 10/E-11-3656/23 od 03.07.2023.godine

DOSTAVITI:

1. Ponuđačima:
TR „Galerija cvijeća Višnja“, ulica Vrazova broj 2, 71000 Sarajevo
„Otoka-Bambus“ d.o.o., ulica Safeta Zajke broj 25, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjeku za javne nabavke
4. Službi za finansije
5. Arhivi

